

洵陽縣志

卷三十一  
六

洵陽縣志卷之三

典禮志

祀典

先師

嘉靖九年詔易封號撤塑像題以木主

上丁日以所在長官三獻禮佐貳教官分獻祭如制祭禮如儀

配四子

顏魯  
思孟

從祀七十二子及漢唐宋元諸

儒

十賢以下皆稱先賢諸儒皆稱先儒黜申黨公伯寮秦用顏何荀况戴聖劉向賈逵

馬融何休王肅王弼杜預吳澄十三人以林

放蘧瑗鄭重盧植鄭虔范甯七人祀其鄉增

祀後倉王通歐陽修胡瑗

四人隆慶六年又增薛瑄一人



啟聖公

嘉靖九年詔天下學校立祠祭以

蔡元定從祀祭同丁

日亦三獻禮今追祭

文昌祠

每歲春秋仲月丁祭畢縣官更衣祭之

社稷之神

社為五土之主稷為五穀之長古者官有大功則配食其神故勾龍

為后土則配食於社稷為后稷則配食於稷其

祀已久每歲以春秋仲月上戊日縣官致祭禮

用三獻祭壇縣治東百步知縣蔣曷建其浴室厨

里社每里為壇一所週以土牆而不屋春秋二

社父老備物以祈報今已久廢民間各依

春秋社期聚會或教家或十餘家輪流獻牲分

胙俗謂立標倒標猶然古制也

風雲雷雨山川城隍之神

風雲雷雨所以鼓

動群生滋養萬物

山川所以含澤布氣潤下作鹹而城之與隍皆所以捍外而衛內古者祀義不同洪武二年令各縣以春秋仲月上巳日同壇致祭三神位風雲雷番居中山川居左城隍居右儀同社稷但帛色不同改望瘞為望燎祭壇縣治西二里知縣蔣曷改黃繚垣俱壞惟齋宿誠敬堂一所尚存堂丁牲房歲久傾廢而基趾亦被人侵佔

### 城隍廟

在縣司之左知縣王廷齡建十珍閣龍重修

### 邑厲

死而無後者則祀昔鄭子產立良肖之後以止伯有之厲蓋鬼有所憑依則不

為災以為妖也洪武二十九年以齊福言議處定頒行天下每歲清明七月十五日十月初一日致祭至期設城隍位於壇上設無祀鬼神於壇下左右禪其有所統制聖王肅幽之政祭壇在縣西北二里今為洵水衝崩無存也歲時設祭暫假江岸為之似非父之道也

鄉屬 國初時每里為一壇定其所今又廢矣

八蜡廟

在縣西北百步駱駝嶺上知縣蔣昂改牛山廟為之歲久損漏漸至圯廢按蜡

也者索也歲十二月合祭萬物而索饗之也先稱伊晃氏其神凡八一日先嗇謂神農也祭之為人神之主二日司嗇上古后稷之官司百穀之種之神也故祭之以報其教民樹藝之功三日司農古之田畷有功於民者也四日郵表畷郵者郵亭之舍也表標也畷田畔相連處也標其田畔之相連處造為郵舍以居田畷而督耕者故曰郵表畷五日猫虎猫食田鼠虎食田豕故迎而祭之六日隄防所以防隄也以蓄水亦以障水七曰水庸庸溝也以受水亦以洩水二者皆農事之備故祭之八曰昆虫不作以害稼亦有功於農者故亦聚而享之然八蜡以記四方豐凶四方年皆順成則其祭皆通否則順成之方蜡祭通不順成之方蜡祭不通也

朱子祠

縣東百步知縣蔣曷建每歲春秋致祭今請入大成殿享祭

原吳二公祠

先年設木主於西壇誠敬堂致祭年久漸廢

高辛廟

縣南二里明初祀帝嚳高辛氏不知何年改為元君觀

鄴侯祠

縣儀門外之右朔望日縣官同佐領諸拜

關帝廟

縣西百步駝嶺上今春夏秋俱以

欽頒太牢禮致祭

禮儀

聖節慶賀

先期一日縣官率僚屬設儀仗具朝服習儀畢設

龍亭香案於縣公廳列儀仗於露臺上設鼓樂於露臺下

至日黎明行禮如制

正旦長至慶賀 並與

聖節同

千秋節慶賀

前期習儀及次早行禮俱與前同  
惟祝贊後不舞蹈山呼

宣講

聖諭

朔望日文武官僚率士庶軍商人等至講約所  
行三跪九叩首禮畢鄉正直月宣講

聖諭  
禮如前

廣訓十六條官民敬聽講畢謝

接讀

詔 郝

詔赦將至具  
龍亭儀仗鼓樂郊迎候

詔 書 置

朝使既至親捧

龍亭中衆官俱北向

行禮訖前導

日蝕救護

前期設香案於露臺上設金鼓於儀門兩邊設各官拜位於露臺上至期

各官俱朝

服行禮

月蝕救護

與日蝕同供朝服

鞭春

立春先一日各官常服迎土牛芒神於郊至縣儀門外土牛南向芒神東西向

至日清晨各官俱朝服行禮如制

新官到任

到期詣城隍廟齋宿上任於城隍廟畢禮生引至本衙門前具公服

從中道入於露臺望

闕

行三跪九叩首禮畢升廳排衙報時押公座畢易便服

而坐合屬人等以次參見而退



鄉飲

洪武十一年頒儀今每歲孟春之望孟冬之朔官行於學宮士庶行於各鄉其

學官行禮以知縣為主選鄉之年高有德衆所

推服者一人為賓其次一人為介又其次為三

賓為衆賓以本處致仕官德位稍尊者為撰擇

一人為司正今以教諭為之二人通文字者讀

律誥各鄉則以里長或年高者為之主焉今鄉

村之飲又廢惟學宮舉行如制

鄉射

本縣射禮又廢儀文度數舊無頒降司政教者有志於復古當以儀禮為準

冠婚喪祭

生員行冠禮於學宮婚禮亦間有親迎者士大夫之家喪祭俱從家

禮惟村落小民不知舉行蓋禮不下庶人此類是也

洵陽縣志卷之四

宮室志

公署

縣治

洪武三年知縣李肅因元舊址建署成化十年漢江泛漲堂宇傾地知縣杜琳

改遷

正廳

川堂

六房

東吏戶禮西兵刑工

承發房

架閣房

舖長房

戒石坊

高曆六年知縣冷逢震建

儀門

鐘鼓樓

今廢

新建鐘樓一間

知縣王會修基址知

縣張存恒蓋造懸鐘洵人有地靈人傑之慶

常平倉

錢帛庫公

廨

知縣南北建

知縣宅

正堂後

主簿宅

又廢

典史宅

正堂

右 察院

知縣王延齡建在東門內今貯倉

東社倉

泥溝舖新建

西社倉

金河舖新建

南社倉

閣河舖新建

北社倉

大嶺舖新建

學校

文廟 三間 東西廡各

三間 戟門

三間 櫺星門

崇聖祠

文廟上 文昌祠

縣南門上

魁星樓

櫺星門前

頒降書籍

**聖**祖仁皇帝御製朱子全書訓飭士子文明黨論

祭器

銅爵十五 豆一十五 簋

明倫堂

三間壁有卧碑署印漢中府通判王

廷桂

忠孝祠

三間在戟門前右新建

節義祠

三間在東門察院右

教諭宅

明倫堂右

訓導宅

明倫堂左

先農壇

三間在北門外

坊市

諸坊俱被回祿之厄今已亡矣

大什字街市

西街市

東街市

閤河店

市

縣西三十里

蜀河店市

縣東一百四十里

西河店市

縣西

北一百二十里

郵舍

縣總舖

在城

高店舖

構園舖

塘兵二名

棕溪舖

泥溝舖

塘兵

二名小關舖

展園舖

塘兵二名

沙溝舖

蜀河舖

塘兵 二名 仙河舖 以上東路 每舖舖司一名 劉店舖 塘兵

二名 閻河舖 塘兵 二名 廟溝舖 塘兵 二名 青山舖 塘兵 二名

以上西路凡四舖 每舖舖司二名

草坪舖 柳村舖 塘兵 二名 乾溪舖 塘兵 二名 大嶺舖

塘兵 二名 史家坪舖 無塘 兵 趙家灣舖 嶺根 塘兵 二名 王長

溝舖 塘兵 五名 兩河舖 塘兵 四名 下茅坪舖 塘兵 四名 以上北

路凡九舖 每舖 設舖司二名 又西路碌碌堤 塘兵 四名 雙廟子 塘兵

四麻坪河 塘兵 四名 無舖司 南路觀音堂 塘兵 二名 琵琶

琵琶閣 塘兵 二名 金河口 塘兵 二名 柒里碓 塘兵 二名 花園寺

塘兵 二名 紅工寺 塘兵 二名 七里関 塘兵 二名 水磨河 塘兵 五名

銅錢関 塘兵 五名 魚舖司

寺

靈崖寺

縣東一里 知縣蔣 昺因芝生作亭

觀音洞

水道 門外 青山

寺

縣西一百四十里

中洞寺

縣東二百里

龍洞寺

縣東二十里

里 黃龍寺

縣西一百八十里

五逢寺

縣北一百里

石佛寺

縣北

二十里

中関寺

縣南四十五里

官田寺

縣東二百里

華巖寺

縣南八里

廻龍寺

縣西四十里

雙松寺

縣南七里

吉祥寺

縣南六里

十里

觀

子房觀

縣北一百二十里

元真觀

縣北一百五十里

迴龍觀

縣東一百十里

元君觀

縣南二里

佑聖宮

縣北二里弘治中知縣蔣昂建

水府廟

縣前一里今廢

仙女廟

縣東南三十里

玉皇閣

縣治後百

步今

廢

洵陽縣志卷之五

雜志

古蹟

帝嚳廟

在縣治南山下

禹王穴

縣東一百三十里人以為禹決漢時居此

漢高祖廟

縣西二十里廟址歲久無存

張子房辟穀處

西

北一百二十里

在羊山絕頂

別駕溝

子房別高帝處今俗呼也家溝

送駕原

子房送高帝處

蕭何堰

有石鏡可燭鬚眉

大夫營

明御史大

夫鄧愈屯

星辰寨

世傳張翼德屯兵處

伎俊寨

蜀將敕木

兵於此

蘭城

相傳木蘭戍兵處

紅崖關

相傳郭繼宗守此禦紅巾

芝蘭



亭 明狀元羅洪先讀書處因芝生遂亭於此

太子城 縣西一百二十里有遺址 黃土縣故城 縣東一百四十里襄

堞尚存 洵陽故城 即今閻川故城 縣西三十里 閻河舖

邱墓

蜀王塚 縣東一百六十里地名王家庄 孟達

塚 在臨崖 金花小姐墓 縣治左今已無迹矣 張子貴墓

縣東一百五十里地名楊家河尚存明主事張鳳翔墓 縣南

山上 二里

洵陽縣志卷之六

藝文志

記文 題咏

重修廟學記

明歸德同知沈本泗邑人

聖道之在天下如日月麗天江河行地不可  
一日無故學校之在天下亦不可一日無自  
古有世道之寄者必以是為重也我明監古  
右文以禮教風動天下學校之設徧滿寰宇  
所以尊崇聖道循序叙彙倫儲養賢才以為

世用者視昔益隆矣洵陽故有廟學乃成化  
間杜侯琳之所遷建弘治間蔣侯昂之所增脩  
者也歷歲滋久寢失其舊後此者雖嘗繕治  
不過葺其所甚敝補其所甚闕耳非所以崇  
祀而育才也歲丁亥秋順菴趙侯以臺薦來  
宰是邑下車謁學見其狹陋不堪即萌鼎新  
之念顧誠信未孚事難遽起居任半載利興  
獎革上信下安知民之可使遂鳩匠掄材嚴  
程併作其修治之序先殿廡次櫺星戟門次

啟聖祠再遷建堂齋改起門第增其闕畧飾  
其剝落采表交輝丹碧互煥百年積習一旦  
改觀凡經營之費侯捐奉首倡公私助之雖  
鉅而無擾於民始事於戊子仲春落成於庚  
寅季秋邑中人士喜相謂曰昔僖公修泮詩  
人致頌文翁興學史氏特書今吾侯新廟學  
以敦化原可無紀述以示久遠乎邑博黨君  
魯三藍君茗率諸生造廬以紀為懇余遜避  
弗獲乃姑述其槩於前而又以桑梓之故不

容以無言也噫自今伊始凡我諸士仰瞻於  
下游息其間可不知所思乎入斯廟則思聖  
賢之道忠孝為大登斯堂則思學校之地禮  
儀為先佩服六經尚友千古達則以功業相  
期許務竹帛之垂芳窮則以名節相砥礪為  
州里之取法如此庶上不負朝廷作養之思  
下不負師友講習之益而我侯興起斯文之  
意可慰矣若徒群居類聚而忘所有事寧不  
愧於心哉敢附未鐫用昭永勸侯名嘉猷表

字子順晉之稷山人也

重修洵陽廟學記

明閩南  
副使

余洵

孔子以聖道設教貫徹古今肇自五帝王伯  
我聖朝以及後世先孔子而開道統之源者  
非孔子無以推明於千萬世之既往後孔子  
而續道統之傳者非孔子無以垂憲於千萬世  
之方來迹其後天地而生知天地之始先天  
地而後知天地之終萬世之天地位萬物育  
三綱立九疇叙開億萬千載之太平者伊誰

之功與文中子曰天地能生我而不能鞠我  
父母能鞠我而不能成我成我者孔子也孔  
子之道奚啻天地父母罔極之恩嗚呼至哉  
孔子之道德高厚神妙莫測教化無窮有如  
是者宜乎廟食萬世而春秋四季享太平之  
報也邵子嘗謂仲尼以萬世為士豈欺我哉  
洪武太祖高皇帝龍飛淮甸奄有九有修文  
偃武建學立師普天率土罔不從化洵邑居  
漢之僻壤化未易及洪武初廟學創建洵水

澣成化八年夏圮於大水墜教基毀神位邑  
令魏縣杜琳始至卜縣西高阜處詢謀僉同徵  
工掄材剪荆棘平高下議大成殿若干楹不三  
四月厥功類就明年正月琳不祿署縣事典  
史內黃周顥建明倫堂翼以東西齋廡塑聖  
賢像立梓潼祠然大綱粗立萬目未脩成化  
乙未冬渾源王延齡繼宰是邑既而周視廟  
學懼不克任乃於改紉縣治之暇仍鳩工倩  
役取土木金石樹櫺星戟門牌樓倉庫庖湍



師生廨宇粧飾神牌神桌祭器與夫磚甍殿  
堂石砌堦臺而又繚以垣墉植以佳木增廣  
弟子生員而百度悉舉矣予奉勅撫治漢中  
來按茲邑學諭眉山古朴暨諸縉紳士夫請  
余為文勒石以垂不朽嗟夫孔子繼往開來  
師表萬世有天下國家者不思所以報罔極  
之恩是猶終日戴天而不知天之高終日履  
地而不知地之厚可乎哉彼異端虛無寂滅  
之教不耕不植侵漁民利淪沒三綱有垂名

教後世有聽其雕梁畫棟安其祀棲徧於名山何其謬耶况孔子之道歷萬世而無弊薄四表而彌光其與彌近理而大亂真者不可同年而語明矣今洵之廟學完舊益新後先祖繼可謂知崇德報功而重吾名教者固可嘉尚也已爾諸士子游歌於斯服膺聖訓當思所以勉力於已効用於時求無負於聖朝養賢之盛心諸有司作興之美意其庶幾乎不然非予之所望也於是乎記

重修駝嶺閔帝廟碑記

劉文翰 邑人

今夫仰玄穹者以為天漠漠爾運化於清虛  
之宰耳目莫測其朕迨夫運轉化遷倏忽變  
現則見月運星纏馳風鞭霆霞雷雹雨曾目  
未瞬而象不可復執是何也方萬物以為言  
者泯聲嗅以為宰更得贊化育者以為紀故  
人道適而神幻之神道隱而人顯之而總歸  
漠漠之天也炎精四百餘載唯時忠烈義士  
豈其乏人獨闕聖之名為不朽而食報愈在

千秋之下侯進王王進帝帝極天至於扶植  
我明之威歷歷出人事圖度之外為最著蓋  
靈氣所向依於正不依於邪故其氣與天地  
相終始也洵邑迤駝嶺而上舊有其廟據咽  
喉之勝國初迄正隆漸昌其故增修則江陵  
揚公建坊則西晉姚公代有葺理而道衝險  
隘旅客遊人牧兒豎子得以往來偃仰其間  
兼以祝融煽燄溽暑伏金遂令櫛櫛袒裸者  
雜處於門軒楹座之側噫巍巍參天之聖華

夷共尊何褻至此哉神有恫矣人其何安公  
下車惻然方咨於士庶求恤民安神之長計  
適流寇張臂關南震恐公告於神訓練我黔  
赤繕緝我城雉出入有誥動靜有條復躬擐  
甲胄教民騎射有鉄城不可犯之勢寇於是  
肩粟喙注捲戈而遠遁江漢以西庸楚以東  
聞者皆起壯色而邑社遂鞏於盤石之安於  
是察璿璣象旺相告倬猷馘丕顯哉神固若  
斯公首倡俸擇邑從善者理其事方在經營

邑之人靡不感激慕義爭先輸之為快因構  
置亭臺洵波襟其北漢澗深其南高築垣墉  
俯馮夷之深宮攀勾陳之長宿旁開一戶扶  
玄樞以納雲面聳一方舒仙掌以挹露且神  
之所矚小民弗能當也公為屏以扃之若砥  
柱樟河過激安瀾以厚民生以垂永澤公於  
此際則穆乎遠矣是役也托始於屠繼大荒  
之歲而隨告竣於月之敦群庶民子來真有  
神以翊之猗歟休哉人為之耶神為之耶抑

公為之也耶夫事神以治民也以神之靈能使  
四郊無萑符之警而一方衽清晏之福胥公  
之力也公不自居而歸其功於神神亦不尸  
相契合於漠漠爾漠漠者神而天也使漠漠  
成赫者者人而神也易曰聖人以神道設教  
而天下服矣公之謂乎公之謂乎公諱三光  
號煥吾古晉河曲人也

重脩八蜡廟記

再見 劉文翰

祭之有蜡始自帝堯歷代因之不廢蓋以民事

所急不容無報而祀典攸載豈宜有缺欲廢而不能廢也洵陽蜡廟創自成化乙巳熊侯應周然規模狹畧未及頽敗弘治間東魯蒋侯曷重加修葺抵今九十年餘圯敝不堪承祭歲萬曆庚辰秋南侯以名進士來知茲土下車之初首正境內神祇而徧謁之至廟惻然即欲改作顧新政未遑閱歷日久改通人和侯曰此可為之時也先之以學宮次之以倉廩又次之以官衙吏舍靡不修舉乃於斯



廟銳意一新用符初志人有以不利科目阻  
之者侯曰徃無論自弘治迄今對制策者三  
領鄉書者十曷言不利又有以不福官府惑  
之者侯曰徃亦無論自弘治迄今超遷者有  
人循擇者相望曷言不福於是淆亂之言不  
復進瀆遂諏曰興事集匠掄材毀撤其舊宏  
大其新費出於區畫而絲毫不染於已力出於  
傭募而役使樂從於民為殿三楹為龕一座  
遂列八神木於其上規制宏濶結構精密棟

宇之隆丹漆之炳前所未有而又圍以垣墻  
巖以門高磴以浪石巍然煥然聳觀奪目步  
簷四望則見洵水遠其左漢江經其右山接  
關南雲連荆楚誠一方之勝概百代之洪基  
真足以妥神而昭報也侯之功顧不偉哉是  
役也經始於癸未仲春訖工於季夏判簿王  
君守正司訓周君三士槩洵之士民樂觀厥成  
僉諸我侯興復廢墜不傷害而成功非藉碑  
書何以傳遠徵余文以勒諸石乃姑述其畧

如此若八蜡名義傳紀詳而我侯德政遠邇  
又播矣皆不書侯名兆字初甫別號明郊山  
東濮陽人也

邑侯陳公重修城隍廟記

清河津  
知縣 鍾儀奇  
邑人

立天之道曰陰與陽天子乘乾出治俾承流  
者宣化都有尹郡有守邑有令凡以康乂我  
人民奠安我社稷蓋期百度脩明俗登仁壽  
所以治陽也上帝高太清令諸神覃命寰宇  
府曰公州曰侯縣曰伯統以城隍名之凡以

鑒察諸善惡保釐諸疆土要使時合年豐民  
無災厲物不夭札所以理陰也陰陽合德而  
治成焉於以鞏固山河生養庶物禔

國家久安長治之福端不外是洵有城隍廟建自先明

成化時重修於神宗代歷年來風號雨剝率  
就傾圮其間溢茲土者雖間有營繕不過塞  
罅補漏沆可小成而已迨戊申歲我侯陳公下  
車朔望瞻禮之餘見其廟貌頽殘色像塵埋門  
廉垣繚昏彫謝弗完遂慨然有維新志然百務

未遑撫字心勞越歲癸丑為

全  
御極之十二年深恩淪浹於民政通人和諸事釐然畢

舉公復於展拜間喟然曰神之安民之福也  
土主有宇勿飾是余之責也夫是余之責也  
夫既而曰民當兵賦之後斃斃子遺若復歛  
而錢鳩而工是浮屠氏所為非良有司之事也  
神雖弗吐民不堪矣余寧忍此於是傾俸而  
出之相其緩急卜其方址取神之缺者補之  
故者新之陋而弗貌者更之數百年塵封諸

像一時金碧交輝且几玷有設帷帟有具屏  
闈壁覆煥然日麗令瞻仰者森然如生肅  
然起敬猶以樂樓未建門垣未脩弗盡善也  
又創構樂樓三楹門庭二座繡欄雕甍美輪  
美奐規模嶽峙棟宇翬飛戛石鳴球有所  
裸將牲祝潔其地美哉蔑以加矣登斯樓者  
豈止壯一方巨觀實以奠億萬世靈長丕基  
是役也廩出乎官土出乎傭值出乎俸凡一  
木一石皆公捐貲以辨之未擾民間一文經

始於季秋落成於孟冬巖巖峻宇不越月而  
告竣神之靈乎公之德乎以報

聖天子明命俾人民享康阜社稷卜悠久以無負治陽

之責亦以達上帝眷祐俾善惡有所勸懲疆

土賴以肅寧以其贊理幽之化求矣陰陽合德

而治成矣公誠大有造於洵乎然則斯廟之不

朽即公功德之不朽也公之功德垂裕茲洵

者如大成殿之繕治玉皇宮之鼎修闕帝廟

之兩作東嶽祠之肇建觀音菴之創立清寧

寺之增葺文昌閣之整飾無量殿之重營諸  
凡福庇我洵民締造我洵土者未易僕數其  
豐績盛烈銘鼎鑄彝將卜年世於無疆城隍  
廟之舉勒諸貞珉特以誌功德之一端云

靈芝亭記

明洵陽知縣 蔣昂 邗縣人

吾周之伯齡之裔甫冠時羅倫榜進士官貴  
州道鑒察御史因陳言聞謫至蜀建昌衛知  
事轉漢中之洵陽知縣時弘治己酉越明年  
庚戌始治官舍欲構亭於儀門前之左為游



豫所與民同樂適歲飢薦臻流賊擾攘吾憂也夙夜惕勵弗遑寧處休吾皇上委任之心以仁育民以義正民辛亥為有年無虞政平人和民咸得其所吾方與吾邑中士者農者工者商者落成茲亭是年仲冬也庶老先後持靈芝獻慶於亭前舉忻忻然相告曰今年洵地產靈兩樣九本吾謂靈芝祥瑞也為佳兆人不常見漢九莖連葉武帝紀之名芝房宋黃芝青芝黃山谷紀之名芝亭大抵示不

忘也一樣三本生諸枯木間一本兩莖交生  
數莖莖結數秀狀如人手指一樣六本生諸  
亂石上俱根色青白華如雲蓋環以金線又  
金裏焉考諸三皇書文本雲芝也三本仙足  
指也色呈金紫香風氤氳其本出於雲根烟  
稍凝結化成煌煌流彩輝燁含秀人若採之  
入腹可延年益壽吾瑞之獻諸天地獻諸祖  
宗藏諸匣使無敢侵攘者庶老聚首撫手而  
歌曰元氣太和兮靈芝產無數我侯忠愛兮

恒願在洵陽我民未被我侯恩澤之餘光吾  
見斯芝聽斯歌謂庶老曰茲瑞也誰與歸庶  
老曰我侯忠愛所感也我侯不有庶老拜手  
稽首曰我皇上愛民之應驗也皇上不然庶  
老曰彼蒼然也夫天何言哉渺森茫茫不可  
得而名吾以名吾亭噫靈芝之生氣化之和  
上下之協佳兆皇儲壽康民樂綿綿國運之  
昌是年華夸地方想徧產靈芝也吾邑中人  
材科第之盛蔚然而興與漢之芝房宋之芝

亭之紀同一與民偕樂示不忘也歟又豈偶然  
哉書曰和氣致祥故圖記貞石垂久不磨吾  
乃蔣其姓曷其名東魯邱縣人也

祭八蜡文

惟神始為耒耜教民以耕功參造化澤被生  
靈萬世之下永賴厥功維茲仲秋春謹以牲醴  
用申明薦

題詠

由金州舟泊洵陽

明陝西提學

楊一清

弘治  
壬子

城上笳聲報曉鍾，驅車又向石橋東。  
山腰路僻藏深雪，水面寒多不受風。  
流移漸諳耕稼樂，貿遷兼喜往來通。  
提封處處皆王土，誰謂全收保障功。

書懷用前韻

山南山北路重重，使節還隨斗柄東。  
客裏心情詩當酒，春來天氣雨兼風。  
家鄉在遠無書到，故舊相思有路通。  
便欲乞身還未可，坐糜官廩愧無功。

廩愧無功

詠蔣邑侯忠愛

弘治

李善才

邑生員

一點丹心徹紫宸幾多政澤在黎民不因貞石留遺跡誰識明君遇老臣

早朝

明戶部主事

張鳳翔

弘治己未邑人

奔走臣工節鼓鞞萬邦拭目漢官儀宮中誰示雞鳴戒陛下今看虎視時待露有人懷諫草擎盤何處供仙芝小臣敢獻平湖頌共沐恩波出鳳池

太廟詩奉次邃庵二首 見前 張鳳翔

共迓鳶輿轉未央  
霓旌翠葆遍相將  
神宗聖祖垂功德  
孝子慈孫潔禘嘗  
九奏虞韶靈自格  
一尊周禮歲為常  
相繼喜有楊夫子  
帶得爐烟兩袖香

其一

天王黼宸廟中央  
頰向皇尸奏我將  
樂備情文陳大雅  
品分水陸奉蒸嘗  
明明太廟神如在  
肅肅臣工敬異常  
大禮享成虬馭轉  
侍臣夙帶辟邪香

同曾喟我揚遠山過秦嶺謁文公祠二首

清吏部文銓  
鍾儀傑人  
司轉廣州府

蒼崖翠壁照江波  
勝友相攜載酒過  
百代儒宗瞻<sup>仰山</sup>斗峴  
千秋道統燦星河  
粵人自解傳謳頌  
詞客何勞費詠歌  
不是一封陳諫表  
海邦安得見雍和

其二

巉巖石磴出雲端  
攀陟頻憂履齒難  
文物依然陳俎豆  
儀容如在拜衣冠  
詞懸日月天光



激氣挾風霜海色寒莫憚高山勤仰止幾迴  
能得此瞻韓

詠八景

清貢生號元公

宋大來人邑

中天洪水勢沖融大禹勞心萬折東聞得漢

濱留穴跡令人擬議思神功

禹穴遺跡

瑤臺金闕是仙家繚繞彤雲餐紫霞石洞於

今傳勝迹想因煮石作生涯

神仙古洞

瞻彼羊山福地寬雲凝可作玉山觀先天太

素疑常在留伴月黃與日丹

羊山積雪

駝嶺何如鷲嶺奇  
氤氳嵐氣景相宜  
連城石

磴人經履宛是青雲得路時

駝嶺雲橫

夏日尋芳喜賞荷  
朱儀榮藻出清波  
應推國

色天然美顯得仙城奇  
瑞多

夏沼蓮芳

天高月朗正清秋  
丹桂攀來上玉樓  
俯看碧

潭皎潔影恍如身在廣寒遊

秋潭月影

洵澣層崖挿碧天  
浮圖形似半空連  
徘徊妙

相如神造雲日昭  
回何計年

靈崖掛塔

沈潛為漢水溶溶  
旋轉碧波映翠峰  
百谷翕

張風雨合會看鼓浪起神龍

漢水迴瀾

紫荊山探勝

生員

宋

烜

號子儀邑人

終南山勢最崢嶸秀拔羣峯數紫荊雲鎖峻

巖藏洞古露凝寒澗滴池清石蓮映日浮紅

意野鳥隨風度綠情未許一塵輕點染尋幽

探勝擬登瀛

送友聲

